

მშენებელი პატრონები

იუმორისტ.
ჟურნალი

№ 21



ქართველი ინტელიგენტები.

თუ ჩემი მცირე მსჯელობა
დიდათ არ დამეძრახება,
ქართველი ინტელიგენტის
მსურს გამოვხატო სახება.

ქართველი ინტელიგენტი!
ოჰ, რა დიადი ცნებაა!!!
(მე ასე ვფიქრობ... თქვენი კი,
თქვენ იცით... თქვენი ნებაა!)

მე ის მყავს წარმოდგენილი
მამულის მთავარ ბურჯათა...
(რა ვუყოთ „სკანდალისგან“
ზოგს სახე ჰქონდეს ლურჯათა!)

ენერგიული, მასაჰმე,
განთქმული მამაკობითა...
(შენამკობ დანამშვენები
წინ ხავსით, უკან ობითა!)

სიტყვას გაუბრძის... უმეტეს
საქმეზე გაღანაგები.
(იმათი ღინჯი მსჯელობა
თითონც გინახავთ ეგები!)

შრომაში მათგანს თვითეულს
ხელით ზღვა დაედინება!
(ორჯერ ჩამოჰკრავს, მესამედ
ჩასთვლემს და ჩაეძინება!)

უცხოელსავით როდი გრძნობს
იგი თავს სალახანადა!!
(ევიწროება ცა ქუდათ
და მიწა ქალამანათა!)

წინდახედული, ფიზიკლი,
მუდამ შრომაში გართული.
(„დაუდევრობა“ არც იცის
სიტყვა თუ არის ქართული!)

სიმტკიცე ხასიათისა
თანა სდევს განუყრელათა...
(და გასაკვირიც არ არის
რომ მოქმედებდეს ქრელათა!)

გზა გარკვეულათ სთელავენ
სამშობლო ქვეყნის კალთასა
და არხენიან მიდიან
აქ ალთას,
იქით ბალთასა.

ეშმაკი.



თაგუნას დაკარგვა.

თაგუნას დაკარგვის ამბავი ელვის სისწრაფით
მიეღო მთელ ქალაქს. ათას-ნაირი მითქმა-მოთქმა
და ჭორები გავრცელდა, ვინ რას ამბობს და ვინ
რას. ზოგიერთების აზრით ამას დიდი პოლიტიკუ-
რი მნიშვნელობა ჰქონდა. ზოგიერთები გადაწყვე-
ტით ამბობენ რომ „თაგუნას დაკარგვას“ სახალხო
ღუმასთანაც აქვს კავშირიო. ერთი სიტყვით, ვინ რას
ამბობს და ვინ რას. ჩვენ რომ უფრო ნათლად და
გარკვევით გავაცნოთ ჩვენი მკითხველები ამ უც-
ნაურ მოვლენას და აგრეთვე სწორე, ცოტათ თუ
ბევრად ნამდვილი მნიშვნელობით გამოვარკვიოთ
ეს მოულოდნელი შემთხვევა თაგუნას შესახებ,
გადავსწყვიტეთ შეგკითხოვით ჩვენს ცნობილ სა-
ზოგადო მოღვაწეებს და მათი აზრი გავგვეო. აი
რას ამბობენ ისინი:

იოსებ იმედაშვილი.

როცა თქვენი კორენსპონდენტი შევიდა ი.
იმედაშვილის კაბინეტში, ჩვენი გამოჩენილი-პუბ-
ლიცისტ-ხელოვნების ღმერთი და რედაქტორი
„თეატრი და ცხოვრებისა“, თავის ერთ ერთ მარგა-
ლიტ მეთაურს სწერდა თეტრისთვის, სახელდობრ:
„ბანკის წმინდა მოციქული პართენი ანუ სხვის
ჯიბეში ფულს რა უნდა! შესვლისთანავე თქვენმა
თანამშრომელმა უთხრა: ბ. იოსებ! უბედურება!
თაგუნა დაიკარგა!..“

იოსებ იმედაშვილმა კალამი ხელიდან გააე-
ღო, მეთაურს ხელი დააფარა, სკამზე გადაწვა,
სახე გაუწითლდა, ტუჩები ძირს დაუშვა, თვალები
დახუჭა, ცხვირის წვერი გაუთეთრდა და დაიწყო
გიჟივით ლულ-ლული: ეშ... ე-ეშ... ეშმ...—ეშმ...
ეშმ.—ეშმაკ. ეშმაკი დაიკარგა?!!! ეშმაკი აღარ
არის?...!!!“ მერე წამოვარდა ზეზე და დაიწყო:
მართალია მე მისი მადლიერი არ ვყოფილვარ, მა-
რამე მიხედავ... ნიჭ... ნიჭ. გვარიანი ნიჭიერი ე.
ეშმაკი იყო; არავის ზოგავდა, კარგი მისთვის არ
სუფევდა, ჩემი მეთაურები თვით საუკეთესო მა-
მული შვილებმა მოიწონეს და ის კი... ოხ-სად
არის, ერთი ვნახო, მაჩვენეთ მართლა მკვდარია თუ
ეს სიზმარია! ხა-ხა-ხა-ხა. აი საქმე... აი კარგი საქ-
მე. ეხლა ჩვენ ჟურნალს არაფერი უჭირს... ის
დამცინოდა რომ მე ვინც ჩემს ჟურნალს იწერს
ვინც კითხულობს იმათ სურათებს ვათავსებდი

სატყედი ჩემს ჟურნალში, მშობიარე ქალის სუ-
ათი, რომელმაც 6 შვილი შვა, ასეთი ხელოვ-
ება გამოიჩინა და რომლის სურათი ჩემს ჟურ-
ნალში იყო, მას სიცილად არ ყოფნიდა. ისიც კი
ამიწუნა რომ მე პართენს. ამ ჩვენს ქვეყნის მხა-
რის ადგილის აგიტაცია გაუკეთეთ საქანქრეთა. სა-
ოგადოებაში, კლუბის სტარშინები ვაქე: ეს კი-
დეგ არაფერი წრეულს მე ბანმაროზე სახალხო
სტარტი ღმრთავიჩინე, ის კი ამბობს რომ წელს კი
რა, რამდენი ხანია აშენებულია, მხოლოდ შენ
წელს შეგიტყვიო. ვფიცავ რეცენზენტ ვარიკს, ის
მას სტარტი იყო... ვმადლობ, ვმადლობ ღმერთსა!“.
მას შემდეგ წაიშინა ხელები თავში და გული
აუვიდა. წყალი ვაპკურეთ*) მოვებრუნეთ და მი-
ა შეცდომა ავუხსენი რომ: ეშმაკი კი არა თავუნა
დაიკარგა“ მეთქი.

— ოჰ. აააა! როგორ, მაშ შენ რათ მითხარი
ეშმაკი დაიკარგაო.

ეშმაკი კი არა პატივცემული პუბლი-ხელო-
ანცხად-კლიშისტო, თავუნა! როგორ გგონიათ რა
ბუნია რომ დაიკარგა.

იოსებ. თავუნა ჩემი თანამშრომელია, მისი
ბუნების არაიყობა“ ჩემ ჟურნალში იყო დაბეკ-
ილი და რათ დაიკარგა? უსათუოდ განცხადებას
დაბეჭდვად ჩვენი რედაქციის კორპორაციის სახელით,
ფელოვებთ თანამშრომელს და დეპუტაციას გავ-
ხანეთ მის მოსანახავად. საცოდავი თავუნა! ამას
წინეთ შემხვდა და მითხრა „ბ. იოსებ, განცხადე-
ბის და რეცენზიებს ვინ სწერს თქვენს გაზეთშიო“
ნუ თუ გაინტერესებთ“ მეთქი ვუთხარი. ძალიანაო
თხრა.

— ვინა და მე, თუ თქვენი საწყენი არ იქ-
ნა მეთქი, ვუპასუხე. თავუნა წელში გასწორდა,
ბე გაუბრწყინდა, ერთი უღვაში ზევით ასწია,
ორე ქვევით, ნესტოები გაიბერა და სთქვა:

— ეგრე მოველოდიო. ვიცოდი რომ ეს შენი
წებოდა, ნამდვილი შენი, შენია შენია! სულ
ძიხობდა, „აბა ამისთანა განცხადებებს ვინ დას-
წერდა“. იოსები გაჩუმდა და რალაც ოცნებას
ეცა მერე უცებ თავი ასწია და მითხრა—„ეშმა-
სადა ბრძანდებაო“.

— კახეთში მეთქი უთხარი.

— მინდა ერთი რამ ვუჩიო ეშმაკს, მარა
ჩემსას რას დაიჯერებსო, თქვენ ისე უთხარით,

მას, ვითომ სადმე ყური მოჰკარით. კახეთში ნუ
დადის, თორემ იქ ღვინის სმას მიეჩვევა და ეს
ნამდვილი ნიჭით სავესე აღამიანი, ეს ერთად ერთი
იუმორისტი დავევლებება და ხომ იცით, ჩვენი
ქართველების საქმე: ჩვენს მოღვაწეებს ლოთობა
სჩვევიათ ე. ი. ღვინის—ზომით სმა არ იციან და
ვაი თუ... ხომ იცით... ვაი—თუ მოკვდ... დაი-
კარგოს და... წელან მგონი რალაც ვილაპარაკე,
ისე... ხომ იცით. ვიოხუნჯე. თქვენ ეშმაკს ნუ ეტ-
ყვით ჩემს ოხუნჯობაზე, მე რებეტიცია გავაკეთე,
მინდა ჩვენს ქურუმებს „перезживание“ ვასწავლო...

— თქვენი აზრი ბ. იოსებ—რატომ დაიკარ-
გებოდა თავუნა?..

— რატომ—რატომ. განა არ იცით. ჯერ მაგა-
ზე ვერაფერს გეტყვით—ძლიან საშიშია, ხომ იცით
რა მოგველის... და შეუღდა მეთაურის გაგრძე-
ლებას.

იოსებ გედევანიშვილი.

ჩემი შეკითხვის შემდეგ პატივცემულმა მოლ-
დაწემ ასე დაიწყო:

— თავუნას დაკარგვით საქმე მეტად გართულ-
დება. აქ შესაძლებელია დიდ ამბებს მოველოდეთ,
რადგან მის დაკარგვას განსაკუთრებული სტრატე-
გიული მნიშვნელობა აქვს, მოსალოდნელია დიდი
ამბები დატრიალდეს. ცხადია აქ რაიმე ოინს ან
დემონსტრაციას აპირებს თავუნა და, თუ მისი და-
კარგვა დიდხანს გაგრძელდა, მაშინ ხიფათს უნდა
მოველოდეთ. და თუ ეს გეგმა, სწორი, მიზან შე-
წონილი გეგმაა თავუნასი, მაშინ მისი მთელი ხასია-
თის შეცვლას უნდა მოველოდეთ. ამ შემთხვევაში
მოულოდნელ სიურპრიზებთან გვექნება საქმე...
ჯერ არ ვიცით რომელი გეზით დაიკარგა თავუნა,
ისიც არ ვიცით რომელი ლარი ამოარჩია დასა-
კარგათ, ამას შემდეგ ვაგიგებთ, მხოლოდ ერთი კი
ცხადია: აქ საქმეს გართულებს, გააჭიანურებს და
ამას დიდი მნიშვნელობა ექნება. ვადაპკრით შეიძ-
ლება ითქვას, საქმე მეტად გაძნელდება, ამას მეტად
დიდი მნიშვნელობა აქვს, ეს მნიშვნელობა იმ-
დენად დიდია რომ ადვილად აიხსნება ის დაეინება,
რომელსაც თავუნა ასე მაგრა ებლაუქება. ეს მოსა-
ზრება სამართლიანია მხოლოდ იმ შემთხვევაში,
თუ თავუნა ცოტა ხნით იქნება დაკარგული... ისე
კი ცხადია მის დაკარგვას მნიშვნელობა აქვს, მაგ-
რამ შედეგებს ამ ახლო ხანში არ უნდა მოვე-
ლოდეთ.

*) კიდევ კარგი ღვინო არ აპკურეთ. ეშმაკი.

თ. ლლონტი.


— ასეთი დაკარგვის მაგალითი ჩვენში ბევრი ყოფილა. სტატისტიკით ამის ახსნა ყოველთვის შეუძლებელია. მხოლოდ საჭიროა ვიცოდეთ რომელ რაიონში არის დაკარგული თავუნა... თბილისი განიყოფება მცხოვრებლების მხრივ შემდეგ ციფრებში: ნავთლუღის რაიონი: 60000 მცხოვრებში სოკო მები 79 პროც. ქართველი 13 პროც. რუსი 5 პროც. თათარი 2 პროც. სხვა და სხვა ეროვნება 1 პროც.

2. სოლოლაკის რაიონი. 100000 მცხოვრებში სოკო მები 86 პროც. ქართველი 9 პროც. რუსი 3 პროც. თათარი 0,19 პროც. და სხვა და სხვა ეროვნება 1,81! კიდევ აპირებდა პატივცემული სტატისტიკოსი ცნობების მოწოდებას, რომ ვიღაცამ ამბავი მოიტანა „საქართველოსტები“ რედაქციის ფანჯარასთან დასეირნობენ და მგონი რაღაცას აპირებენო. მყისვე დაიხურა დარბაზი და „სახალხო ფურცლის“ რედაქცია ბნელმა მოიცოა მეც წამოვედი.

„საქართველოს“ რედაქციაში.

რადგან რედაქციის მთელი კორპორაცია „სახალხო ფურცლის“ რედაქციის ფანჯარებთან უნახავთ, ამიტომ იქ ჩვენ ვერაფერ ვნახეთ.

ჭიკვარა.



მიკიჩას ჩივილი.

(სცენა)

ვა, ეს ინჩხაბარე, ტო! როგორ თათრის კვდარით ვაგრძელდა ეს ვაინა, რა ამბავია! ციციანთ დავა გახდა რაღა! არც თავი ეტყობა, არც ბოლო.

ისე მიდის საქმე რომ ლამის არის მეც გამაპრავჯონ. აფსუსი არ არის ვართანუშას დაქვრივებ მერე რა ადამიანია ის წყეული ისა. გეგონებ წმინდა სანთლიდან არის ჩამოქნილიო. კუკლათა რაღა, კუკლა უფლის მადლმა. ნუუუეული მოი ვართ ნუუ სვოი ბიკოვსკი გლაზა დრუგომუ ბუღიტ მაგატ! ქრისტიანო, ასე ხელ-აღებით ყველას ვაინ წისვლა გაგონილა! რომ არც პერვი რატნიკ აბაღ ჩენიასა აქვს გასავალი და არც ვტოროისი არ წითელი ბილეთი სქრის, აღარც ლურჯი.

აი, ჩემ ბაშკას რა უთხრა, რა ქვეა დენა ცხონებული მამაჩემი მეზნებოდა: თუ გინდა ტერტერათ გამოგზდიო, მაკრამ მე ტუტუტუკმა რომ დაუჯერე იმ ცხონებულს. დღეს ნამდვილი რთულია რაღა ტერტერებისთვის? ვანა იმისთანა ხოცოვს უუუვის წელიწადი დაუდგებათ როდისმე! ვერ ვაინამ გაავლო ქვეყანას მუსრი და ახლა კიდევ ვერანა ხორავლამ. რა უჭირთ, ქვეყანა ტერტერ ბისაა რაღა! ერთ-ორ ტერმოლორმისა წაიბუტებენ და ვადადის მარცხენა ჯიბეში ფულეში.

აი ხელობა და დახოდნი სტატია მესმის! აცხონა ღმერთმა საწყალი მამაჩემი. დამეჯერებო იმისთვის და პატარა ცერკოვნი კითხვა მესწავლ ტერტერა თუ არა ტირაკუა მაინც ვიქნებოდო ამ ვაინს ვადაფრჩებოდი. ვა, ხუმრობა ხომ არ არსიკვდილი! ერთი ნასლედნიკი მაინცა მყვანდეს ვაჯანაბას ჩემი თავი. ნუუუეული ჩემი სანთელი საყუნდა გაქრეს! საკვიველია უფლის მადლმა!

გოგია.

ვერანი!

(ზიარდაზირ „ეშმაკური“ მიბაძვა).

მიმაცუნცრუებს
(უგზო უკვლოდ)
ცხენი ვერანი!
უკან გამოსჩანს
წითლად მისი
განაწერანი!

აიუ, ვერანო,
შენს ხვანცარიკს
არ უჩანს ზღვარი
და წიავს მიეც,
და შემუსრე,
ანბანთა ჯარი.

გაპკვეთე „ნარი“
გააპე „ფარი“

გაანადგურე
„ანი“ და „ზენი“
აიუ! გაპკუსლე!
და შემიმოკლე
ქანქარიკისა
მიღების დღენი.

ცოტათი მაინც
ხომ დაფასდება
ეს ვაჟკაცური
ჩვენი კვეთება,

(თუ გზად ეშმაკი არ შეგვეყვარა
და არ გვიჩვენა თამაშ-ფეთება!

ორი ცხენი.

(გაგრძელება)

ენკენისთვის დამღვეს, როცა გასუქებულ-გალამაზებული ლურჯა მთიდან სოფლად ჩამოიყვანეს, მისი მეგობარი კულა უკვე მეორე გუბერნიის ერთ-ერთ სამაზრო ქალაქში სამხედრო ხელოვნებას სწავლობდა.

სიმინდის ჩალასა და ჩხირების ტყვერაზე აღზრდილ კულას უცებ ძირიანათ შეეცვალა ცხოვრების პირობები. მას თავის დროზე აქმევდნენ ხოლმე თივას, ქერს; თავის დროზე სხვა ცხენებთან ერთად დაჰყავდათ მდინარეზე საბანაოთ და წყლის დასალევათ. თავის დროზე იურგებდნენ და ასუფთავებდნენ კერძოთ ამისათვის მიჩენილი ჯარისკაცები.

გარდა ყოველივე ზემოხსენებულისა, კულა კარგ სასოგადოებაშიაც ჩავარდა. მარაალია შრომა აქაც ბევრი ჰქონდა, მაგრამ სამაგიეროთ განათლებულ ამხანაგებთან უხდებოდა ყოფნა და ამან შესამჩნევად წასწია წინ მისი გონებრივი განვითარების საქმე.

მეექვსე თვის დამღვეს კულა უკვე საღათ მსჯელობდა ომის შესახებ თავის მეგობრებთან და აღარ უხდებოდა ისეთ უბრალო ვითხებებში ყურების ჩამოყრა და გაწითლება. რასაკვირველია, კულა ისე არ იყო გარკვეული პოლიტიკურ კითხვებში, როგორაც მაგალითად ჩვენი გაზეთების სამხედრო მიმოხილველნი, მაგრამ ასეთ ღრმა ცოდნას არც ღრავინ მოითხოვდა მისგან.

ბედმაც გაუღიმა ბედაურ კულას, თითქო მისი განვლილი ცხოვრების ტინჯვა აწ სიხარულათ უნდა შეუცვალოსო. პირველი თვის დამღვეიდანვე ის მარტოდ მარტო შეუბეს კ-ნი სოსოს ეტლში. კულას ძლიერ ეუცხოვა ეს უჩვეულო ხელობა, მაგრამ ჩქარა საუცხოვო ტარება და ენერგია გამოიჩინა. ვინ იცის რამდენ ხანს დარჩებოდა ამ თანამდებობაში, რომ ერთი უბედური შემთხვევა არ წამოსწრებოდა.

იმ საღამოს, როცა კ-ნი სოსო დუქან-რესტორან „დათვიდან“ გამოვიდა მოწყალეების და მარიამთან ერთად, ძლიერ მხიარული და კმაყოფილი მოსჩანდა. ფეხი სიხარულისგან ეშლებოდა და მწყობრათაც ვერ ლაპარაკობდა; სამაგიეროთ მთელი სახე სიამოვნების ღიმილით უღვიოდა. ორივენი რის ყოფით მივიდნენ ეტლამდე და მჭიდროთ

ჩაეწყვენ შიგ, ვინაიდან ეტლის სივრცე ერთ მსხვილსა, ან უკიდურეს შემთხვევაში ორ წვრილ მგზავრზე იყო ნავარაუდღევი. აქ კი კ-ნი სოსო, რომელიც ცნობილი იყო თავისი აზოვანებით და მასთან ერთად არა ნაკლებ სივრცის მარიამი!

კულამ მაშინვე იგრძნო რაშიაც იყო საქმე. ექვები მასში თაობიდანვე აღძრა რესტორანის მსახურის, პატარა დათვიკოს ჩუმმა და ქურდულმა სიცილომა. ის ცალი თვალით იჭვირებოდა ღია ფანჯრის კუთხიდან და პირზე ხელ მიფარებლი სიცილით კვდებოდა, როცა სტუმრები ღლის გაქვირებით კიბზე ჩამოდიოდნენ. — Вперед! Вперед!

— დასძახა სოსომ და კულაც დაიძრა. ღვედების უთავბოლო ტყლაშუნზეც ატყობდა კულა, რომ მხედარს ხელები არ ემორჩილებოდა, მაგრამ ცხენი მაინც სცდილობდა ეტლი სამშვიდობო აღაგას ეტარებია. ამას ისიც უნდა დაეუმატათ რომ მგზავრები მოუსვენრად იჯდნენ ისედაც პატარა კალათში და ხან იქით, ხან აქეთ იზნიქებოდნენ. მარიამ ორჯერ კინაღამ გადმოვარდა სრულიად სწორსა და ბაზაგან გზაზე. ალბათ ამიტომ მოჰხვია ხელი სოსომ და მისწია თავისკენ. ყოველ შემთხვევაში ასე მსჯელობდა მგლური ბუნძულით მიმავალი კულა.

როცა ისინი ქალაქის განაპირა უბანს მიუახლოვდნენ ათი ღლის მთვარე უკვე ჩაესვენა და სავრძნობლად ჩამოზნელდა. კულას ბნელ ღამეში თითქო ისეთი ბილიკი გაუვლია, ისეთი დარდა-ღურდა სათვის დაუხწყვია თავი, სადაც მისი მეგობრებ ღლისითაც ვერ გაივლიან, მაგრამ ახლა უკან მთელი გოდორი მიჰქონდა და გარემოები ძლიერ უშლიდა ხელს.

პატარა ბოვირის პირად, რომელიც აუშენებოთ მშრალისა, მაგრამ საგრძნობლად მაღალი ნაღვარის თავზე, ქ-ნ მარიამს კვლავ მოუწია ეტლიდან გადავარდნა; სოსომ რასაკვირველია ხელ მოჰხვია, ეტლი ცალმხარედ წაიზნიქა და გადაბრუნდა. კულას, რომელიც გადაბრუნებულ ეტლი ერთად გზის პირად დარჩა, ქვემოდან საშინელი ბრავგანი და უწმაწური სიტყვები შემოესმა. კიდ კარგი, რომ წვიმისაგან ხევის ძირი გამაბალი იქნა და მასთან მგზავრები ცალ-ცალკე დაეცნენ. მხოლოდ ამ გარემოებით ახსნა კულამ მათი ცოცხლობა გადარჩენა.

მეორე დღეს, როცა მთელმა ქალაქმა გაიგო ეს ამბავი, კულას მაყურებელთა მთელი გროვა დაედევნა.

— მოშორდი, ახლოს არ მოეკარო, ბიჭო, გიყია, დაფეთდებო, ეუბნებოდენ ერთმანეთს ბავშვები.— გუშინ ღამ თურემ ძალლი დინახა, დაფრთხა და კ-ნი სოსო იმ იქ ხვეში გადასჩენა.— ერთი დახედე მაგ ვერანას დაა?

კულა მწუხარედ ოხრავდა ყოველ ამგვარ ბრალდების გაგონებაზე. არა თუ ძაღლისა ეშინია მას; ერთხელ საბალახოზე ორი შშიერი მგელიც კი მოიგვრია.

— ახლა დაჰხედე უსამართლობას:— თითონ ხიფათში ჩაიყარეს თავი, მეც კინაღამ თან გადამიყოლიეს და დანაშაული მე ვარ.

(შემდეგ იჭიკება)

მორიელი

უთავო ძეგლი*)

(გუძღვნა ქ. გოჩს)

უთავო ძეგლი რის ნიშანი ხარ, რა აზრი არის შენში ჩართული, თავ-მოკვეთილი რისთვისა დგებარ, ვინ იყო შენი მკაცრი მსაჯული?

* * *

ნუ თუ ქალაქის აწმყო, წარსულში ვერ გიპოვნია ჯერ ღირსეული, რომ უკვდავი ჰყო ხალხისა გულში და მიზანს იყო შენც მიღწეული!

* * *

ან სიმბოლო ხარ მთელი ქალაქის, მის უთავობის გამომსახველი? დამდგარხარ მცველათ გორისა კარის, აბა რას იტყვის შენი მნახველი?!

* * *

თავ-მოჭრილი ხარ და ჩვენც თავსა გვჭერი, ზედ ხიდის ყურზე გამოჭიმულხარ... ამვლელ-ჩამვლელთან ურცხვად ხვას გვიყრი— „მთელი გორისა ემბლემა მე ვარ!“.

ბ. აზიანი.

შ ე კ ი თ ს ვ ა.

ჟურნალ „თეატრისა და ცხოვრების“ რედაქტორი ერთ ფრიად საყურადღებო წინადადებას იძლევა:

„ამასთანავე ვაცხადებთ, რომ თუ ვისმე მოეპოება ძნელად გასარკვევი ტერმინი, ცნება, შემოგვეკითხეთ და თუ ჩვენ სათანადო ვერ განვმარტავთ, შეკითხვას შინც დაგბეჭდავთ“. („თეატრ. ცხ.“ № 38)

მეორე ნახევარი ამ ამონაწერისა იმ განსაცვიფრებელი მორცხვობის ნიშანია, რომლითაც ასე შემკულია „თეატრისა და ცხოვრების“ რედაქტორი, თორემ რა ტერმინი შეიძლება იყოს, რომ მან ვერ ახსნას. ამიტომ გადავწყვიტე რამოდენიმე უცხო და ჩემთვის უცნობი ტერმინების გასარკვევად მეც შევაწუხო ჩვენი დაუღალავი მოღვაწე.

შეკითხვა 1. „თეატრისა და ცხოვრების“ მე-38 ნომერში მოთავსებულია ჩვეულებრივ საუკეთესო მეთაური (ალბათ რედაქტორისა) „საბანკო არჩევნები“ ამ წერილში ავტორი ამბობს:

„არა კმარა მხოლოდ ბუღალა ტერმინის ცოდნა, საჭიროა ჩვენი ქვეყნის ცნობა და სხვ.“

საინტერესოა განგვიმარტავდეს პატივცემული რედაქცია რას ნიშნავს ეს სიტყვა „ბუღალატერია“ და ვისთვის არ არის საჭირო მისი ცოდნა:


ბანკის დირექტორისათვის, თუ ჟურნალის რედაქტორისათვის.

შეკითხვა 2. გაზეთი „საქართველო“ ერთ ნომერში ვიღაც ბ-ნი ფიგარო სწერდა:

„ბულგარეთმა, როგორც ვხედავთ უკვე გამოაცხადა მოზილიზაცია. ჩვენი მოლოდინისამებრ მოზილიზებული ჯარი მან სერბეთის წინააღმდეგ გადაზავნა“.

დიდათ დაგვაფიქვებს „თეატრისა და ცხოვრების“ რედაქცია თუ გავგირკვევს, რას ნიშნავს სიტყვა „მოზილიზებული“. ჩვენს პროვინციებში იხმარება სიტყვა **მოზილიზებული**. მაგალითად „მოზილიზებული გაზეთი“ „საქართველო“ სწერს და სხვ.


პატივისცემით ეშმაკი.



*) გორში, სწორედ ხიდის ყურთან, დაიწყეს ამ რამენიმე წლის წინათ ძეგლის აშენება და რადგანაც არ იციან ის დაუღვან ის ძეგლი, უკანასკნელი ჯერაც დაუმთავრებელია და მეტად აუშნოებს არე მარეს.

ბ. აზიანი.

ჭიათურაში.



მთიან-გორიანი გახლავთ
ჩვენი ტურფა ჭიათურა.
მაღლა გრილი ჰაერია
დაბლა კი ჰხურს, როგორც ქურა.


ამიტომაც ჩვენმა საბჭომ
ბევრი აღარ იფაფხურა,
აილო და სამკითხველო
გორაკს თავზე დაახურა.

და რადგან გზა არსით უჩანს,
მკითხველი კი არის დიდი,
მთის მწვერვალთ სამკითხველოს
ბაწარი აქვს დანაკიდი.


ხალხი აღის და ჩამოდის
ივარჯიშებს აზრს და კუნთებს,
მაგრამ ხელი თუ აუცდა
ცოცხლად ვერც კი დაიკუთებს.

იქ კი, სადაც წინა დროში
სამკითხველომ იმსახურა,
იმავ საბჭომ, ხალხისათვის
კარტის საქმე გაახურა.

ბევრი იწვის ამ საქმეზე,
მაგრამ უფრო მარჯვე ხელი
გახლავთ: სერგო ისაევი
და ალექსანდრ გამრეკელი.



სამკითხველოში ასვლა



ყველაფერი გადაგვეტერა!

(გურჯულო სტენა)

ვაინის ამბები, ჩემო ბატონებო, ქე იცით ყველაყამ, მარა ჩვენს საქმეს ახლა არ იკითხავთ, ვარესი დავიდარაბა და უბედურება რომ გვადგანა თავზე? ნენა... ნენა... ნენა. რაფა ყველაფერი გადაგვეტერა, რაფა ეისვარა მონასტერი!! კაცებს რა გიემტყუნება, აგი ჰავრი-ბუნება რომ მთლად ეისვარა. ქე იძახოდენ ჰავრმა გავგაზინა, ჩვენ ბუნების შვილი ვართო, მარა ახლა რომ დუუკვირდი მე ამას, პაწაი ქე მექაშნიკა ყურში; აბა, შეხედე, თუ არაა აგი მართალი; მართლა რომ ჰავრი ყოფილა ყორიფელი, აგერ სამი წელიწადია, რომ დავვაქცია ხაიერმა, ზამთარში ზაფხულია და ზაფხულში ზამთარი; წროულს აპრილმა პაწაი ქე გავვიცინა, იმისანი აყვივილდა აღესაის ყურძენი, იმისანა, რომ კაკალი თვალი გავინათოდებოდა; იმას წვევბორკე ძირზე იმით გვედგა სული გურულეებს, იმით ვაპრობდი ყოლიფერს; გვეხედე და მისმა ჩამეკუპრა პირი, იწვიმა და ჩამონისლა,

ჩამონელდა და თლად ჩამეფოცხა ჩვენი აღესაი ყვივილში. ქე დარჩა გაფოცხილი, ზედ კეკალი არ შერჩენია. ვადამიძირდა გული, დამიზნელდა თვლები, ვაი, რამდენი მე შევეცოდე ღმერთს, მე რა-ლა მაცხონებს.

ვიფიქრე აღესაი კი დაგვეღუბა, მარა ამ სიმინდს რაც უნდა დამემართოს საყოფათ მევიწევ გაისიზა მეთქი. ვიყიდე რვა აბაზათ ფუთი სიმინდი, მივამძგვიე და მივამძგვიე; დავეთეს რავარც იქნა, მარა რაი მერე!!! რომ წიესია სკეინჩაი, შაშვი, ჩხართვი, ყვავი, ფულუ, გახრა თლად, დედო მიწის გულიდან ამოკირტენს ქე გამიწბილეს თლად ყანა. დავეთეს მორე ჯერ, რას ვიზამდი აბა; ახლაც ისე გამიწბილებდენ ყანას, მარა, რაფა მოვშორდი! ვუძახე და ვუყვირე ჩიტებს ჰაუ, ჰაუ, ჰაუ, ჰაუ... ვუტკაცუნე და ვუტკაცუნე სატკაცუნაი და რავაც იქნა ქე ვიპატივე. გავმარგლე კიდევ, მშვენიერი ყანა იყო!.. გვეხედე და ივანობისთვეში მეიკუპრა ცაი, ჩამოლუსკუმდა, სთქეშა და სთქეშა წვიამ, უთქეშინა და უთქეშინა, თელი სამეგრელო და ნახევარი გურია ქე დასპოტა თლად... ჩემი სახლკარი ააფორიქა, ხულა და სალორე ნოვეს კი-

დობანსავით დასურავდა წყალში. ასე ქე დაგვაქცია კაცი ამ შენ ხაიერმა.

დავრჩი ახლა თლად მშრალზე, რაცხა ქრისტეს ტირილი წროულს იქნება ჩემსას; ცოცხლითაი რაფერ გამევიწყებო მტერ-მოყვარეში თავი; იგენის თავს გამომიწყვეტს და გამომიშხაფავს ღმერთი; ჩემი გაქივრება არც მტერს ესმის და არც მოყვარეს. ათასჯერ გამოვაცხადეთ ვაზეთებში: ტირილი, ნუ იქნება, ვოი, იგენისას დავედო ტირილზე; ვინაჲს ჩემი არ ესმის. ნუ გვინდა ღლეობები: მარიობა, ღვთისმშობლობა, დედა ღვთისამ ამოწვდა იგენს სული კისერში, მარა ვინ გეიგონა, ვკითხვ: — რავა თქვენ ვაზეთს არ კითხულობთ მეთქინ?

— რავა არაო, წვევიკითხეთ, ღლეობები რომ მოგისპიათო, მარა ჩვენ მართლა თუ მოსპეთ ამის შესატყობათ წამოვედითო. ავი მითხრა უსირცხვილოდ და ქე შამოვასკტი ჩემს კაკალ გულს. მე რომ ვიყო მარტოტკალაი საცხა ვადვიკარგებოდი, მარა რა ვუყო ჩემს ცოლს ფუნდუკიას და ჩემს ციცებებს, ბუჟუტუთას და ფოსინას. კას დროზე ველაპარაკე მე იგენს, რომ შეეშვენ ყურში დარბეგბა, ვუთხარი:

— ბაბა, ბუჟუტუთა, შენ აგერ მიგცემ ივანიკაის სტაქოიას, შენ, ფოსინა, აგერ ხვითოსავით ბიქია რაფიელაი კალანდაძე და ქე წაყვეით, მკადს ქე გაქუმს და ტანზე ჩაგაცუმს და მეტი რა გინდათ მეთქი. აბრადინი ვადამაყარეს თავზე:

— იმისთანა ყრუს ჩვენ რავა წავეყობით, იგენს ინიჩ არ ესმისო.

— არა თქვენ სილოური გუსისტკა სუტენტები ხართ, ნასტავლს რომ ეძებთ მეთქინ შეუყვირე.

— შენ რა გესმის, შენ გამოჩერებულაო, ჩვენ განვითარებული ვართო, მეო, ბუჟუტუთამ მითხრა— „გლეხი კაცის“ ისტორია ვადავარგალბული მაქო, ფოსინამ მითხრა— „ღვდა კაცი და ცოცხალიზმი“ თლად ზებირად ვიცოო, ჩვენ წარმოდგენაშიც გვითამაშია, გამოსცენებული ვართო.

— ვუთხარი, ჩემი გეიგონეთ თვარა, თქვენნი გამოსცენება კი ვიცი, იმ ცხვირ დაგრძელებულ ბიქს, თავზე რომ ჩამოუბონძღავს გახუნებული ცილინდრი ნუ დაყობით კვალში, თვარა თქვენ თავს ვერ გამომართუმს კაცი ხელში მეთქინ. ასე ვუთხარი ავი, არა სულს ვერ დავწვავ, სირცხვილი არ უპოვიენ და არც მაქუმენ ჩემი ციცებები, ამის იმედი კი მაქ, მარა, მიინც შევაშიშხართე, კაია,

მუხბთება ციცაებს შიშხართი. აი, მაშენ იყო ვინამდი აი ამბავი. ახლა მოგეცა სიცხე, იგენს ეცვალა ფერი ვინში რომ გახიკეს ყველა ყმაწვილები, იცოცხლე იგენი შეშინდენ, ახლა მგონი სტაქოიას კი არა ქველიეს გოგოიას და კასაანა ლომადესაც კი წაყობიან, თუ ქნა იგენმა,

ერთ საღამოს ყანიდან რომ მოვედი, შემოვადგი ფეხი სახლში თუ არა, მაშინათვე ზაფრა მეთქეა, ჩემი ბუჟუტუთე და ფოსინაი ჩამჯდარა ნაცარში და ჩაკუბრული ქე არიან.

— რა ამბავია თქვენს თავზე, ციცავ ბუჟუტუთავ მეთქინ!

— აფერი, ისე სკუჩხათ ვართო.

ლუკაიეს ობოლი.

„ბელის შემოქმედი“

ა. ჩეხოვისა.

ნიკოლოზის რკინის გზის სადგურ „ბოლოგოვიში“ სამგზავრო მატარებელი დაიძრა. მეორე კლიოსის ერთ-ერთ ვაგონში ხუთიოდე მგზავრი სთვლემს. ეს არის დანარყდენ სადგურის ბუფეტში და ესო, ვაგონის ბინდით ვარემოცულნი, მიყრდნობიან სავარძლის ზურგს და დაძინებას ცდილობენ. სიჩუმეიკარი გაიღება და ვაგონში შემოდის ღვინისფერ ქუდიანი და კოხტა პალტოიანი სარკით მადალი კაცი, რომელიც ძალიანა ჰვავს ოპერეტის მსახიობს, ან კიდევ ჟიულ-ვერნის კორესპონდენტსა. ახალ შემოსული შუა ვაგონში გაჩერდება, ქშინავს და დიდხანს უტკერის სავარძლებს.

— არა, არც ეგ არის! — ბუტბუტებს კაცი. — დასწყევლოს ღმერთმა! სწორედ საკვირველია!... არ არის, არა!

ერთი მგზავრთაგანი ჩაპხედავს ახალ შემოსულს და სიხარულით წამოიძახებს:

— ივან ალექსიჩი! საიდან საღაო? ეგ შენა ხარ?

აყლაყულა ივან ალექსევეიჩი შეკრთება, ჯერ ჩააკვირდება მგზავრს და რომ იცნობს, მხიარულათ გაშლის ხელებს.

— ააა! პიოტრ პეტროვიჩ! გამარჯობა! რამდენი ხანია ერთმანერთი არ ვვინახავს! ღმერთო ჩემო, მე არც კი ვიცოდი, თუ შენც ამ მატარებლით მოდიოდი.

— სხვა, როგორა ხარ?

— არა მიშავს რა! მხოლოდ საქმე ის არის, გეთაყვა, რომ ვაგონი დავკარგე და ვერას გზით ვერ მიპოვია! ვირი ვარ, ვირი სწორეთ საცემარი ვარ, პატრონი რო მყავდეს!

სარის მსგავსი ივან ალექსევეიჩი ქანაობს და ხიხითებს.

— არა, გინახავს, კაცო? — განაგრძობს ის. — მეორე ხარი რო დაპკრეს სადგურზე გავედი, კონიას ვადავკრავ შეთქი. ველუნწე, რასაკვირელია ერთი რიუმბა, ხოლო, ვინაიდან შემდეგი სადგური შორს არის, მეორეც მივყალღე. ამასობაში მესამე ხარიც დარეკეს... გამოვარდი გიჟივით და ალაღბეღზე უახლეს ვაგონში ვტრუსე თავი! არა, ვირი არა ვარ, თუ ღმერთი გტმს? ინდაურის მოდგმა ვარ სწორეთ, ინდაურის.

— შენ ძან მხიარულ გუნებაზე ხარ! — ეუბნება პიოტრ პეტროვიჩი. — დაბრძანდი, რას უღებხარ?

— ა-პა-პა-პა! არას გზითი უნდა წავიდე, ჩემი ვაგონი ვიპოვო! ნახვამდის!

— ამ ბნელში, კაცო, ვაგონის ბაქანზე ვაღვარდები! დაჯექი, ვიდრე შემდეგ სადგურამდე მივილოდეთ და მაშინ მონახე შენი ვაგონი. დეჯექი!

ივან ალექსეიჩი ამოიოხარებს და ჩამოჯდება პიოტრ პეტროვიჩის პირდაპირ. ეტყობა, ძალიან ატაცებულია, ცქმუტავს და ვერ ისვენებს, თითქო გალზე ზისო.

საით მიდინხარ? — ჰკითხავს პიოტრ პეტროვიჩი.

— მე? სივრცეში, მეგობარო! ღმერთს გეფიცები, თავში ისეთი ბაბილონი მიტრიალებს, რომ მეც არ ვიცი, საით მივდივარ! აი, მივყევარ ბედსა და მეც მივდივარ. ხა-ხა-ხა... გეთაყვა, გინახავს შენ როდისმე — ბედნიერებით აღსავსე ვირი? არ გინახავს? მაშ მიკვირე! შენს წინაშე სდგას უზებდნიერების მომავლადი! დიახ! ნუ თუ სახეზე არაფერი მეტყობა?

— გეტყობა, რომ... ცოტა არ იყოს...

— ალბათ ამ წუთში ზედმიწევნით სულგლუერი სახე მაქვს, სარკე მაინც მქონდეს, ჩემი ღინგი დავაღვალეო! ვგრძნობ, რომ თან-და-თან ვირს ვემსგავსები ღმერთს გეფიცები! ხა-ხა! არა,

შენ წარმოიდგინე, კაცო: ეხლა მე საქორწილო მოგზაურობაში ვარ! აბა, ინდაურის მოდგმა არა ვარ მე ეხლა?

— შენა? განა შენც ცოლი შეირთე?

— დღეს, ჩემო კეთილო, სწორეთ დღეს! დავიწერეთ ჯვარი და პირდაპირ მატარებელში ჩავსხედით, მაშ!

— ერთი ამას უყურეთ! — იცინის პიოტრ პეტროვიჩი. — მეც არ გამიკვირდა, ეგრე კობტათ რომ გამოწყობილხარ?

— მა რა გეგონა ის კი არა, სურნელგანი წყალიც კი ვისხურე! კისრამდე ვარ ჩაფლული ამ სოფლის ამობეში! არც ზრუნვა ვიცი, არც ფიქრი! არაფერსა ვგრძობ... ვგრძობ მხოლოდ რაღაც... დასწყევლოს ღმერთმა, ვერც კი გამოითქვამს... რა ჯანდაბა... ერთი სიტყვით უაღრეს განცხრომაში ვარ! ჩემს სიცოცხლეში არ მახსოვს ასეთი ბედნიერება!

ივან ალექსევეიჩი თვალებს ხუჭავს და თავს ატრიალებს.

— უნამუსოთ ბედნიერი ვარ. — განაგრძობს ის. — არა, შენ თითონ გასაჯე. აი, წავალ ეხლა ჩემს ვაგონში. იქ კი, სივარძელში, ფანჯარასთან ზის... არსება, რომელიც, როგორა ესთქვა... მთელი თავისი არსებით მე მეკუთვნის... ქერა გოგონა... პაწაწინა ცხვირი... თითები... შენ კი გენაცვალე, ჩემო სულის კლიტე! ანგელოზო! ჩემო პატარა ციცუნია! ჩემო გულის ფილოქსერავ! არა, ახლა ფეხა სთქვი შენა, — და! ფეფი! იქნებ გგონია, ჩვენს თათებსა ჰვავდეს! ვერ მოგართვი! ფეხი კი არა, რაც პაეროვანი რამ არის, ალეგორიული! ასე გონია, ავიღებ და გემრიელად შევანრამუნებ იმ პაწაწა ფეხებსო! ეხ, შენ რა გესმის! შენ ხომ მატერიალისტი ხარ, მაშინვე ანალიზსა და ჯანდაბას დაიწყებ! ან კი რა უნდა გეკითხებოდეს გამოფიტულ უცოლო კაცს. აი, ცოლს რო შეიკთავ მაშინ კი მომიგონებ! საღ არის ეხლა ივან ალექსეიჩიო, იტყვი დაიხ... ჰოდა... წავალ ეხლა ჩემს ვაგონში... იქ მოუთმენლათ მიმეღის ჩემი კუკუნია... წინდაწინვე სტებება ჩემი მისვლით... გამოლიმებს... მე მოვეუჯდები გვერდით და აი, ასე, ამ ორი თითით ნიკაპზე მოუცაქუნებ...

ივან ალექსეიჩი თავს ატრიალებს და ბედნიერათ ხარხარებს.

— მეერ ჩამოვადებ გოგრას მხარზე და წელზე ხელს შემოვხვევ. ირგვლივ კი, გესმის, სიჩუმეა... პოეტური ბინდი სუფევს. ეხ, იმ წუთს, ღმერთს გეფიცები მთელ დედა-მიწას გულში ჩაიკრავს კაცი. პიოტრ პეტროვიჩ! მოდი ერთი გულში ჩავიკრა!

— ინებე, შენი ჭირიმე.

მეგობრები ერთმანერთს გადაეხვევიან და მთელი ვაგონი იციან; ივან ალექსეიჩი განაგრძობს.

— აი როგორც რომანებში იტყვიან, მეტი ილიუზიისათვის, შეირბენ ბუფეტში და ორსამ რიუმკას ჩააკოკლოზინებ. გოლაჰკრავ თუ არა, თავში და, აი აქ, გულში, ისეთ რასმე იგრძნობ, რაც სიზმრათაც არ მოგოდანდებია. ხომ პატარა და უმნიშვნელო კაცი ვარ, და იმ დროს ასე მგონია, საზღვარი არა მაქვს-მეთქი... დედამიწას ხელს დავვლებ და ავათამაშებ მეთქი!

შეზარხოშებულსა და ბედნიერ ახალგაზრდა-წერილს რომ უყურებენ მგზავრები, თავდაც მზიარულ გუნებაზე მოდიან და აღარ ეძინებათ. ესლო ივან ალექსეიჩის ერთის მაგიერ ბარე ხუთი კაცი უვლებს ყურს. ის კი წამდაუწუმ ტრიალებს, ხელებს აქნევს და დაუსვენებლივ ყბედობს. თითონაც ხარხარებს და მისთან ერთად ყველანი ხარხარებენ.

— უმთავრესი რა არის, იცი?—განაგრძობს ბედნიერი კაცი.—რაც შეიძლება ნაკლებ უნდა იფიქროთ. შორს ყოველივე ფიქრი და ანალიზი! დაღვეა გინდა, —დალიე! აბა რა საქიროა აქ რაღაც ფილოსოფიური მსჯელობა, გავენებს თუ გარგებს დაღვეა? ყველა ამ ფილოსოფიასა და ფსინოლოგიას ჯანდაბამდისაც გზა შქონია, ახლოც არ უნდა გაიკაროთ!

ვაგონში კონდუქტორი გაივლის.

— გეთაყვა,—მიუბრუნდება მას ახალ დაქორწინებული:—209 № ვაგონში რომ გაიაროთ, მონახეთ, თუ ღმერთი გწამთ, რუხ ქუდიანი ქალი, თეთრი ფრთა აქვს ქულზე, და უთხარი, რომ მე აქა ვარ.

— კარგი, პატრონო. მაგრამ ამ მატარებელში 209 № არ გახლავთ, 219 გახლავთ!

— ჰოდა 219 იყოს! სულ ერთია! ასე უთხარი: თქვენი ქმარი საღსალაგათად არის, არაფერი გასქივრებია თქო!

ივან ალექსეიჩი უცებ თავზე ხელს მოიკიდებს და კენესის.

— ქმარი!.. ცოლი!.. აი, დასწყევლოს ეშმაკმა! მე-ქმარი?! მე კიდევ არაფერი,-ისა, ის!.. გუშინდელი ბაღლი, ცუგრუმელა გოგონა და დღეს კი ცოლი! არა, როგორ დავეჯგორო?

— ჩვენ დროში ბედნიერი კაცის შეხვედრა სწორეთ რომ საკვირველია.—ამბობს ერთი მგზავრ-

კახური ტიპები.



კახეთის აგრარონში ათვალეირებს სოფ. საგარეჯოს სალგურზე სიმინდის ყანებს.

თავანი:—უმალ თეთრ სპილოს ნახავ, მგონი, ვიდრე ბედნიერ აღამიანს.

— მერე ვისი ბრალია?—გამოართმევს სიტყვას ივან ალექსეიჩი.—თუ თქვენ ბედი არ გწყალობთ, თქვენივე ბრალია! დიახ, თქვენივე! მაშ რა გეგონათ? აღამიანი თავად არის თვის საკუთარ ბედნიერების შემოქმედი, გესმით? ოღონდ მოისურვეთ და, მერწმუნეთ, იქნებით კიდევ ბედნიერი! თქვენ კი განზრახ გაუბრახართ ბედნიერებას!

— ერი ჰა! როგორ, რა გვართ?

— სულ ადვილათ!.. აი, ყური მივღეთ: ბუნებამ დაადგინა, რომ კაცმა თავის დროზე სიყვარულის ხილი იგემოს. დადგა ეს დრო, არა? შეიყვარე, რაღა, რაც ძალი და ღონე გაქვს, თქვენ კი ბუნებას ყურსაც არ უგდებთ და სულ რაღაც ჯანდაბას უყურყურებთ! შემდეგ... კანონში სწერია, რომ ყოველმა პატიოსანმა კაცმა ცოლი შეირთოს. უცოლოდ ბედნიერება არ იქნება! მაღალწევს თუ არა სათანადო დრო, წადი საყდარში და ჯვარი გადაიწერე... მაგრამ თქვენ ხომ არ გეჩქარებათ ქორწინება... სულ რაღაც ჯანდაბას უყურყურებთ! მერე... სამღვთა წერილი ბრძანებს, რომ ღვინო ახარებს გულსა კაცისას... თუ რომ კარგათა ხარ და გინდა, კიდევ უფრო კარგათ იყო, განიბერტყე მტვერი ფერხთა შენთა და გაემართე ბუფეტსა შინა დალევად ღვინისა. საქმე ისაა, რომ სიბრძნესა და ფილოსოფოსობას უნდა თავი დაანებო და ადათისა და შაბლონის მიხედვით იცხოვრო. დადებული რამ არის შაბლონი!

— თქვენ ამბობთ, რომ კაცი თავად არის თავის ბედის შემოქმედი. ერთი მიბრძანეთ, სადაური შემოქმედი, თუ კი საკმაო ერთი ტკივანი კბილი ან კიდევ ავი სიდღერი, რომ ადამიანის ბედნიერება ყირამალა წამოვიდეს. ყველაფერი შემთხვევაზე ჰყილია! აი, შეგვემთხვას ერთი კუკუევის კატასტროფა, ვნახავ მაშინ რა კილოზე აქიკიკიღებით!

— სისულელეა!—არ იშლის თავისას ახალ-ჯვარდაწერილი.—კატასტროფები და ასეთი უბედურება წელიწადში ოთხჯერ ხდება ხოლმე. არავითარი შემთხვევისა არ მეშინიან, რადგან არის იმის საბაბი, რომ ეს შემთხვევა შეგვემთხვას. ათასში ერთხელ რაღაც მოხდება ჯანდაბას! ლაპარაკიც კი არ მინდა ამანზე... მაღლობა ღმერთს, მგონი მივალწიეთ სადგურს.

— თქვენ ეხლა საით მიემგზავრებით?—ჰკითხავს პიოტრ პეტროვიჩი.—მოსკოვში თუ სადმე უფრო სამხრეთისაკენ.

— დილა მშვიდობისა! როგორ უნდა გავჩნდე სადმე სამხრეთისკენ ჩრდილოეთით მიმავალი კაცი?

— მერე განა მოსკოვი ჩრდილოეთით არის?

— ვიცი, მაგრამ ჩვენ ხომ პეტერბურგში მივიღვართ ეხლა!

— მოსკოვში მივდივართ. კაცო, ხომ არ გადირიგ!

— როგორ თუ მოსკოვში მივდივართ? ამბობს გაოცებული ივან ალექსეიჩი.

— საკვირველია, ღმერთმანი! კაცო, შენ რა ბილეთი აიღე?

— პეტერბურგისა!
— ჰო და, მაშ მომილოცავს. სხვა მატარებელში ჩამჯდარხარ!

სიჩუმე ჩამოვარდება. ახალ დაქორწინებული წამოდგება და გაშტერებულ თვალებს მოავლებს იქ მყოფთ.

— ჰო, ჩემმა მზემ, უხსნის პიოტრ პეტროვიჩი, „ბოლოგოვეში“ ავრევი და შეხვედრილ მატარებელში ჩამჯდარხარ.

ივან ალექსეიჩი ფითრდება, თავში ხელს წაივლებს და ბოლთასა სცემს ვავონში.

— ვირი ვარ, ვირი! ბუტბუტებს ივან ალექსეიჩი. უნამუსო კაცი ვარ, არამზადა! რაღა მეშველება ახლა? იმ მატარებელში ცოლი ზის! მარტოდ მარტო! მიცდის, იტანჯება! ეშმაკმა წაიღოს ჩემი თავი და ტანი!


ახალ ჯვარდაწერილი სავარძელზე დავარდება და ისე იკრუნჩხება, თითქო მექეპზე დაადგეს ფეხი.

— უბედური კაცი ვარ, უბედური! კვენესი ივან ალექსეიჩი. რაღა ვქნა ეხლა? რა მეშველება?

— კარგი, კარგი! ანუგეშებენ მგზავრები. რა ვუყუთ მერე? თქვენ დეგემით შეატყობინეთ თქვენს ცოლს, თითონ კი როგორმე კურიერის მატარებლით წადით და დაეწვიეთ.

— კურიერის მატარებლით! სტირის ახალ დაქორწინებული „ბედის შემოქმედი“. მერე ფული სად არის კურიერის მატარებლისათვის? ჩემი ფული ხომ სულ ცოლსა აქვს!

მგზავრები ჩუმათ ჰკრებენ ფულს თავიანთ შორის და სიცილ-ხარხარით გადასცემენ ბედნიერ კაცს.



აღსასრული აღაშენის ტანჯვისა!

სუსუნათის წამლობა.

ნ წელიწადი გავიდა, რაც ჩემი გამოგონილი წამალი „რაპილი“ გასასყიდად გამოვიდა, სამკურნალო ბაბქოს ნებართვით № 1295, სუსუნათის წამლობისთვის, როგორც მაგარი, ისე ხრონიკულისა. ამ ხნის განმავლობაში „რაპილი“-ს პრეპარატი ათასობით ავთომყოფი სრულიად განიკურნა, რომელთაგანაც სამადლობელი წერილები მაქვს. წამლობის ასეთი ნაყოფი უფლებას მაძლევს, პრეპარატი „რაპილი“-ი, როგორც ყველაზე არსებითი და სწრაფად მომქმედი საშუალება ამ სნეულებისა, ვურჩიო ყველას.

უკანასკნელ წლის დაკვირვებამ კვლავ დაამტკიცა, რომ „რაპილი“-ის პრეპარატი წამლობის შემდეგ სუსუნატი რომ არ მორჩენილიყოს ამისთანა შემთხვევა არ არის, ამისათვის გადაქრით ვაცხადებ, რომ რაც უნდა ხანგრძლივი იყოს ავადმყოფობა ჩემი გამოგონილ საშუალებით სამ კვირაში წამლობა საკმარისია სუსუნათის მოსარჩენ და „რაპილი“-ის შემწეობით სრულიად მორჩენილად უნდა ჩაითვალოს.

მართალია, უკანასკნელ წლებში სუსუნათის (გონორეი) წინააღმდეგ ბევრი საშუალება გამოჩნდა, რომელნიც ჩქარა და არსებით განკურნებას ჰპირდებოდნენ და ავადმყოფთ, შესაძლოა, გულიც გაუტყდა ამ წამლობის უნაყოფობით და სამართლიანად შეუძლიანთ ეჭვის თვალით შეჰხედონ ჩემს წამალსაც, — ამ შემთხვევაში მამის ყურადღებას იმ გარემოებაზე მივუქცევ, რომ ჩემი რწმენა „რაპილი“-ის უებრობაში და ჩემი დაპირება ლიტონი სიტყვა რომ არ არის, ამის დასამტკიცებლათ ყველას, ვინც ჩემგან პრეპარატ „რაპილი“-ის ორს ორმაგ ფლაკონს (წამლობის მთელი კურსი) დაიბარებს, წამალთან ერთად ეგზავნება ჩემგან ხელწერილი, რომ უკეთუ არ მოარჩინოს, ფულს უკანვე დაუბრუნებ.

ნიშუში ჩემის ხელწერილისა: „მე, ამისა ქვემოთ ხელისა მომწერელი, ამ ხელწერილს ვაძლევ ბატონს (ამას და ამას) იმაში, რომ მივყიდე რა მას ჩემი „პირად“-ის ორი ფლაკონი, სუსუნათის წინააღმდეგ, თავდები ვარ, რომ ოცი დღის წამლობის შემდეგ ეს სნეულება სრულებით გაჰქრება. თუ აღნიშნულ ვადაზე რომელიმე ლაბორატორიაში შარდის გამოკვლევის შემდეგ აღმოჩნდება განუკურნებელი, მაშინ ვალდებული ვარ რვა მანეთი დაუბრუნო“ (ხელ. მოწერ.).

ზემოდ მოყვანილ ცნობას, რომ ბევრს განკურნებულ ავადმყოფებისაგან სამადლობელი წერილები, გადავწყვიტე ჩემს განცხადებებში მოვათავსო ხოლომე ახალი მადლობის წერილები. ამ წერილების დედანი (აუარებელი) ჩემთან ინახება და ყოველს მსურველს შეუძლიან მათი ნახვა. წერილების სინამდვილეში თავდები ვარ, თუ რომელიმე მათგანი დედანს არ ეთანხმება, ვალდებული ვარ, გადავიხადო 1000 მანეთი რომელიმე საზოგადოების სასარგებლოდ.

17. მ. ხ., ბ-ნო დელამურე! დიდად გმადლობთ თქვენი წამლის „რაპილი“-ისათვის, რომელმაც ერთბაშათ იქონია კარგი გავლენა. ძნელია განცხადების დაჯერება, მაგრამ თქვენი განცხადება კომერციული მოსაზრებით არა ყოფილა, არამედ ავადმყოფს განკურნებას ურჩევს, ამაში თვითონ დავრწმუნდი, განმეორებით გიხდით მადლობას.

ნოვგოროდი 14 მარტი, 1914 წ.

პ. ნ. პ. ნ.

წამლობის სრულ კურსის, ორმაგ წყვილ ფლაკონის და კოლოფ პილულის ფასი ცხრა მანეთი. გაგზავნით და ფსიდალებით ათი მანეთი. ფსიდალებით გაიგზავნება მხოლოდ მაშინ, თუ ბედ წარმოადგენენ 3 მანეთს.

Съ требованиями и заказами обращаться исключительно кавказское отделение Московской Лаборатории М. Деламури. Тифлисъ Эриванская площ. Пушкинская 3 отд. 3/м. верхний этажъ.

ქალაქ თფილისში

გამოდის ყოველ-კვირეული იუმორისტული გამოცემა

ეჭმაკის მათრასი

ჟურნალის სამხატვრო და სალიტერატურო მხარეს განაგებენ **ეჭმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი - 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ 1 თვით 50 კ.
„ეჭმაკის მათრასში“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები,
არაკები, შარადები, გამოცანები, ნაკვეთები და სხვა.

← ჟურნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олгинская 6,
Почтов. ящ. № 96.

(ეჭმაკის მათრასისათვის)




*) ეს ადგილი კონფერტზე შარკისათვის არის დანიშნული და გულმავიწყებს მოვავლინებთ, რომ
← უმარკო წერილებს რედაქცია არ დაიხსნის →



გაუფრთხილდით თქვენს ჯანმრთელობას — მიიტოვით

უაღრესი

ბილგულ-ბანგელოს სამკურნალო
 მითოსოკემ, ყველგან



— ამბობდენ და გაზეთებშიაც წერდენ, რომ იაპონიის აღმირალმა მეომარი კაპიტნები ზრძოლის დაწყების წინ წყლით აღდგებდნენ. მე სულელს მაშინ ეს ამბავი მეცინებოდა, ვამბობდი თუ ის კაცი რა კაცი უნდა იყოს ვინც ღვინოს არა სვამს და სადღეგრძელოს წყლით მიირთმევს მეთქი. ახლა კი როცა მე თვით გამოვცადე, მჯერა რომ იაპონიამ მისთვის გაიმარჯვა, რომ ღვინოს არა სვამდა. ღვინოს გადამკიდეს რა ხეირი დაეყრება. ჯიბის სიკალიერე და აურ-ზაური სულ ღვინოს ბრალია. ციხეში ვინც იტანჯება ნახევარზე მეტი სულ ღვინოს მიზეზია. როცა ღვინოს სმას თავი დაფანტვდა და წყლის სმა დაიწყე კაციც მერე ვარ და ქუდიც მერე მხურავს! ცოლმვილიც მერე შემეყვარდა და ბარაქაც მერე დამეტყო. წყალი ყველა კარგია, მაგრამ ლაღიდის ქარხნის წყალთან ფას ყველა, მასთან ვერც ერთი თავს ვერ მოვა. მიირთვით გენაცვა ლაღიდის წყალი დისტრებით და ისიამოვნეთ!

